



中電再度推出「中電消費券計劃」，透過「中電社區節能基金」撥款5,800萬港元向58萬戶受惠家庭派發消費券，每戶可獲發總值100港元嘅消費券。中電希望藉此扶助弱勢社群，同時鼓勵市民本地消費，為香港帶動消費勢頭，進而產生乘數效應加快經濟復甦。

計劃下，低用電量住宅客戶*及享有長者電費優惠嘅客戶均屬於合資格嘅受惠家庭。受惠嘅住宅客戶可於超過3,800間商戶，包括食肆、餅店、雜貨店、電器舖、藥房、理髮店、社企零售商店等等使用消費券，為期6個月。

所有消費券已於今年4月中開始寄俾受惠家庭，合資格客戶將會喺今年5月初或之前收到消費券㗎。

參與商戶會喺店舖外張貼中電消費券計劃宣傳海報或貼紙，方便大家識別。

*低用電量住宅客戶指2024年全年6期電費賬單（兩個月一期）嘅總用電量為2,400度或以下。

揀慳電雪櫃大有學問 錯用雪櫃隨時荷包「漏水」



雪櫃幾乎係家家必備嘅電器，做個精明慳電嘅用家，就要識得以下使用嘅慳電貼士啦。

慳電三招

了解雪櫃構造、正確使用可以幫大家慳電㗎。

- 1.適當位置存放食物：利用雪櫃內唔同位置嘅溫度差別，適當位置儲存食物，避免塞晒嘅食物喺出風口位置，有助維持製冷效率。例如樽裝飲品對溫度無咁敏感，就可放喺雪櫃溫度較高嘅位置如門格。
- 2.戒除頻繁打開雪櫃門嘅壞習慣：例如每次買新鮮食物返屋企，用便條紙好好記低食物嘅數量同食用限期，貼喺雪櫃門上，咁就唔使為咗睇雪櫃有咩餸而經常打開雪櫃，避免熱空氣進入。
- 3.調整恆溫器溫度：雪櫃毋須長時間定喺「最凍」狀態，可按照雪櫃內存放食物嘅種類同分量，適當調校溫度，例如雪櫃冷藏室只有半滿，可以校喺4-5度，如果雪櫃只有樽裝或紙包飲品，可較高至6-8度，咁就可以慳電㗎。



中電一心為你，為每個家庭帶來全新嘅中電App升級體驗，你可隨時隨地一手管理電力賬戶，輕鬆慳電減碳，兼賺取豐富獎賞！一App齊集4大亮點，滿足唔同家庭嘅需要：

- 1.每日用電量* 一目了然
- 2.睇單繳費 一步到位
- 3.個人化提示 一點安心
- 4.慳電玩遊戲 一路有賞

立即下載中電App，並首次成功啟動中電One賬戶，即賞500度度分，限時拎走特選商戶價值HK\$62禮券#。現有客戶亦可享多重獎賞優惠，仲可以參考埋2025年最新賺分攻略，輕鬆累積更多度度分，慳電賺賞一App過！

*適用於智能電錶用戶，可查看3小時前的每小時用電資訊。

#須受條款及細則約束



一年容易又端午，雖然正日未到，但大家近排都應該聞到糉香。唔少糉嘅熱量同脂肪含量都非常高，想食得健康，其實有另類嘅健康選擇！

今年我哋搵咗陳國強師傅炮製健康糉，由選材到包糉再到烹調，師傅一步步咁教大家點樣用電磁爐煮出色香味俱全嘅素糉，高營養價值得嚟仲好環保㗎，以炆煮糉為例，採用相同煮食時間為計，以電磁爐煮煮食物嘅碳排放量較傳統煮食爐減少高達23%，而相應嘅能源費亦節省約38%，絕對係環保又慳錢嘅選擇！

低碳電廚新煮流 全城「糉」動員 齊創新紀錄

講到食糉，今年有「營」之餘，仲可以有「型」㗎！中電將於今年5月17日，喺樂富廣場舉行名為「低碳電廚新煮流 全城『糉』動員 齊創新紀錄」嘅活動，有望用電磁爐創下健力士世界紀錄，即場更會送出超過1000隻低碳糉予受邀參與活動嘅有需要家庭，包括簡約公屋及過渡性房屋住戶，展現電磁爐低碳煮食嘅環保魅力！



Q 如果我名下有幾個單位同埋電動出行賬戶要交電費，想一次過處理，可以點做？

A 只要你下載中電App，登入你嘅中電 One賬戶，就可以一次過管理你名下所有住宅單位同埋電動出行賬戶嘅中電服務㗎喇！所有單位嘅用電量同賬單一目了然，交電費亦好方便。